



Peter Olsen
Inuit Ataqaṭigiit sinnerlugit Inatsisartunut ilaasortaq

§ 37 naapertorlugu apeqṭutip nr. 148/2024-p akineqarnera

Asasara Peter Olsen

Inatsisartut suleriaasianni § 37-mi, imm. 1 naapertorlugu Naalakkersuisunut apeqṭuteqarputit. Apeqṭutit uagutsinnit akisassanngorlugit innersuussutigineqartut qujassuteqarfigaagut. Apeqṭutit issuarneqartarput tamatumalu kingorna akineqarlutik.

05-07-2024
Suliap normua 2024 - 13370
All. nr. 24323326

Postboks 1160

Oqarasuaat:

34 50 00

Fax: 34 55 05

3900 Nuuk

Mail: pn@naoq.gl

www.naalakkersuisut.gl

1. Nunatsinni alopeciamik nappaateqartunut ukiumut tapiissuteqartoqarsinnaanera Naalakkersuisut uppersarsinnaanerpaat?

Akissut:

Peqqinnissaqarfimmi sullissinerit atuisullu akiliuteqartarnerat pillugit nalunaarut nr. 5 2006-meersoq naapertorlugu, nakorsaq nujaasartaarnissamut akeqanngitsumik innersuussisinnaavoq. Uani ataani nalunaarutip oqaasertaa takuneqarsinnaavoq:

Peqqinnissaqarfimmi sullissinerit atuisullu akiliuteqartarnerat pillugit nalunaarut nr. 5 2006-meersoq, § 12:

Nappaat katsorsartinnerluunniit nujaasanik pisariaqartitsilerneramik kinguneqarsimappat, nakorsaq akeqanngitsumik nujaasartaarnissamut innersuussisinnaavoq. Nujaasat pisariaqartitsineq naapertorlugu taarserneqarsinnaapput, taamaattorli ukiumut amerlanerpaamik nujaasat ataatsit akeqanngitsumik tunniunneqarsinnaallutik.

Imm. 2. Nujaasat nujaviunngitsunik sanaat annoraassiassamut ikkussukkat tunniunneqarsinnaapput, allanik nakorsaq innersuussisimangippat.

Imm. 3. Nujaasat imm. 2-mi taaneqartunit allaanerusut peqqinnissaqarfiup tunniutissallugit neqeroortigisinnaavai, akit nikingassutaat akilersillugu.

Nujaasanik/nasartaammik tunineqarnissamut periuseq ima pisarpog:

Nakorsiartoq nujaasartaarsinnaasoq/nasartaatitaarsinnaasoq nakorsap qulakkeertarpaa, tamannalu nalunaarsuiffimmi innersuussutigalugu, tamatumalu kingorna timimik sungiusaasumut innersuussummik nassiussisoqartarpoq.

Nakorsiartuq timimik sungiusaasumut nujaasartaarnissamut uuttortartikkiartornissamut aggersarneqartarpoq. Angissusissaa aalajangerneqareerpat nakorsiartuq allattorsimaffimmi pisiortorfimmit tunniunneqartumik misissuinikkut nujaasat qanoq ittut perusunnerlugit naliliissaaq.

Nujaasat kissaatigineqartut aamma qalipaatai toqqarneqareerpata Peqqinnissaqarfimmit innersuussut immersorneqassaaq, taannalu pisiortorfimmut nassiuunneqassaaq. Peqqinnissaqarfiup nujaasanut aningaasartuutit ukiumut 5500 kr.-t tikillugit akilertarpei – akisuneruppata nakorsiartup nikingassutaasoq akilersinnaavaa. Nakorsiartup taarsiullugu nasartaat toqqarsinnaavaa, ass. qungasequt, taannalu aamma Peqqinnissaqarfimmit pisiortorfimmut inniminnerneqassaaq.

Peqqinnissaqarfimmi akiliuteqarnikkut tapiissuteqartoqartanngilaq.

2. Aappiuppat ukiumut qanoq annertutigisumik tapiissuteqartoqarsinnaava aamma inatsit suna tunngavigalugu tapiissuteqartoqartarpa?

a) Aamma sumut qinnuteqartoqarsinnaava?

Akissut:

Apeqqut 1-imut akissut takuuk.

3. Ukiumut qanoq amerlatigisut tapiiffigineqaqqullutik qinnuteqartarnersut Naalakkersuisuninngaaniit kisitsisaatigineqarnerpa?


Akissut:

Nakorsiartut qanoq amerlatigisut nujaasanik/nasartaatinik piumasaqarsimanersut peqqinnissaqarfik kisitsisaateqanngilaq.

4. Naalakkersuisut tassunga tunngasumik allamik oqaasissaqarnerpat?

Naamik

Inussiarnersumik inuulluaqqusillunga



Agathe Fontain